

Kontuola

ANTZUOLA / Egubakoitza / 2005eko urriaren 14a / 260. zenbakia

KOORDINATZAILEA: Aintzane Irizar • Barrenkalea 33 BERGARA 20570 • Tel.: 943 25 05 02 • Faxa: 943 25 05 13 • Posta elektronikoa: kontuola@goiena.com • Lege gordailua: SS1179/02

Gizarte eta kultura ekipamenduen gaineko proposamena egin du Gertu Gaek

AINTZANE IRIZAR

Gertu Gae plataformako kideek prentsaurrekoa egin dute oraingo astean; hantxe, gizarte eta kultura ekipamenduen beharrei aurre egiteko eurek proposatzen duten irtenbidea azaldu zuten. Olaran etxea erabiltzea proposatzen dute, besteak beste.

Udalak oraindik behin betiko proiektua aurkeztu ez duen arren, behin behinekoaren berri eman zigun duela hilabete batzuk. Orain, Gertu Gae plataformak bere proposamena egin du.

EAJ-EAren proiektuaren arabera, Eguzki eta Beheko auzoen artean, Udalak bultzatutako etxebizitzak eta kultura eta gizarte ekipamendu batzuk izango dituen eraikina egingo dute. Sotoak ia 700 metro koadro izango ditu eta gainerakoek 400. Sotoa kultura eta gizarte ekipamenduetarako erabiliko dute; gainerakoak, etxebizitzak izango dira. Bestalde, Sagastin beste eraikin bat egingo dute eta hantxe jarriko dituzte gainerako ekipamenduak. Hori aurrera eramateko arau aldaketaren prozesua amaitzear da.



Juan Antonio Iturbe, Patxi Olabarria eta Fernando Iturbe, astelehenean egindako prentsaurrekoan.

GERTU GAEREN PROPOSAMENA

Horren aurrean, Gertu Gaek bere proposamena kaleratu nahi izan du: "Arau subsidiarioen aldaketan, geure alegazioak aurkeztu genituen, baina, ez ziguten kasu-

rik egin", adierazi digu Juan Antonio Iturbe hautetsiak.

Oraindik garaiz gaude izenburuarekin egin zuten prentsaurrekoa, eta izenburu horrexekin banatuko dituzte euren proposa-

mena azaltzeko esku-orriak.

"Gure ustez, gizarte eta kultura ekipamenduak egiteko nahikoa da Guraso Elkartearen eraikina zegoen tokian egingo duten eraikina eta Olaran etxea erabil-

Euren proposamena azaltzeko esku-orriak banatuko dituzte Gertu Gae plataformako kideek

tzea; ez dago Sagastiko zelaiaren beste eraikin bat egin beharrik. Sagastin parkea egin behar da gure ustez", adierazi digute.

Maristena zegoen tokian egingo duten eraikinean, sotoa ez erabili behelako solairua ere kultura eta gizarte ekipamenduetarako bideratzea proposatzen du Gertu Gaek. Gainera, beharra egonaz gero, baita lehenengo solairua ere. Hori guztia eginda etxebizitzak egiteko aukera baldin badago goian, hori ere ondo ikusiko dute, baina etxebizitza sozialak egitea proposatzen dute. "Gure taktiko, lehenasuna eman behar zaie ekipamenduei eta ez etxebizitzak eraikitzeari", azaldu zuten.

Gainera, sotoaren gaineko aldean geratuko den plaza eta kampo gorria ondo bateratu beharra daude euren ustez.



Bardean bizikletaz

Arrola mendizale elkarteak antolatuta, hogeita hiru laguneko taldea egon zen domekan Errege Bardean. Gehienak bizikleta eta guzti joan ziren, 14 bat lagun, hain zuzen ere. Gainerakoek oinez egin zuten ibilaldi bat.

Ramon Romero izan zuten gidari, ondo ezagutzen dituzte eta inguru haiek. Rallon eta Piskerra mendietan egon ziren, besteak beste.

Beste bizikleta irteera bat ere egin zuten, Landan; hantxe, 36 lagunek parte hartu zuten./A.I.

KIROLA

PARTIDUAK

PILOTA

Urriak 14 (Gipuzkoako Txapelketa)

19:30: Olalde-Lagunak (Gazteak)

Ondoren: Olalde-Zazpi (Iurri) (Nag.)

EMAITZAK

FUTBOLA

Antzuola 0 Segura 1 (Gazteak)

Soraluze 0 Antzuola 0 (Erregionalak)

PILOTA

Gipuzkoako Kluben Arteko Txap.

Olalde-Añorga (Gazteak) 22-11

Beloki-Olalde (Nagusiak) 22-1

Olalde-Real Soc. (Pala motzean) 23-40

ELKARRIZKETA

URKO ALTZERREKA/KARMEN IRIZAR PRESOAREN SEMEA

"Jendeak ez du presoek eta senideok bizi dugun egoeraren kontzientziarik hartu"

AINZANE IRIZAR


Presoen senitartekoei jasotzen dituzten dirulaguntzen gaineko proposamena aurkeztu zuten aurreko osoko bilkuran. Horren gainean eta presoek eta euren senitartekoei bizi duten egoeraren gainean berba egin dugu Urko Altzerrekarekin.

Proposamen bat aurkeztu zenioten Udalari. Zer eskatzen zenuten?

Udalak badauka arautegi bat laguntzak emateko, baina guk zerbañt gehiago eskatu dugu. Bate-tik, laguntza horiek deportatuen familiendako ere izatea. Bestalde, araudiak dio presoak Antzuola erroldatuta egon behar duela, eta guk eskatzen dugu erroldatuta dagoen edo bertan jaiotakoa denarendako izatea. Bestalde, kilometro bakoitzeko 10 zentimo ematen digute eta laguntza hori 20 zentimo izatea eskatu dugu. Lehendabiziko bi proposamenak onartu egin dituzte, baina, diruari dagokionez, 12 zentimo ematea onartu dute.

Ze gastu dakar senitartekoren bat preso izateak?

Hori da preso non dagoen. Gure kasuan, 600 kilometro egiten ditugu bidaiara bakoitzeko; Jose Luis Erosteigiren senitartekoei,



"Politikoei esango nieke hitzetatik ekintzetara pasatzeko garaia dela"

"Osasuna eta bizia arriskuan jartzen dugu astebururo, senideak bisitatzerara joateko"

berriz, 1.200 kilometro egiten dituzte joan-etorrian. Guk egun baten egiten dugu bidaiara; beste batzuek, berriz, asteburu osoa behar izaten dute.

Baina, horrek guztiak, kostu ekonomikoek gain, osasuna eta bizia arriskuan jartzea ere ekartzen digu. Astero kilometro mor-doa egin behar izaten dugu, eta istripu asko izan dituzte senitarteko eta lagunek. Askok, gainera, hil egin dira.

Guk eskatzen duguna da eurek jarraitako legea errespeta dezatela eta presoek bete ditzatela zigorrak euren etxetik gertuen dauden espetxeetan. Politikoei, berriz, esango nieke pasa daitezela hitzetatik ekintzetara.

Ze egoeratan daude Karmen eta Jose Luis?

Egoera kontuan hartuta, nahiko ondo. Dena dela, jendeak jakin dezan, hona hemen datu batzuk: Karmenek astean 5 minutuko hiru dei ditu; Jose Luisek bost dei; astero hiru gutun bakarrik idatz ditzakete eta bisitak 40 minutukoak dira. Jendeak ez du egoera horren kontzientziarik hartu; jende askok ez du horren guztiaren berririk, baina nahi duenak, interesa duenak, galdetzen digu. Egubakoitzero kontzentrazioa egiten dugu, eta 20 lagun besterik ez gara egoten. Jendea kontzientziatu beharra dago.

LABUR

Urruti eta Gorriz arteko bidea laster konponduko dute

Egubakoitzean egin zuten osoko bilkura; hantxe, Urruti eta Gorriz arteko bidea konpondzeko lanak esleitu zituzten. Construcciones Perak egingo ditu lanok, 92.486 euroko aurrekontuarekin. Enpresa horrek konpromisoa hartu du urriaren lanok amaitzeko.

San Donatorako irteera azarora atzeratu dute

Arrola elkartekoei urriaren 23rako, domeka, aurrez ikusi zuten Lizarragatik San Donatorako mendi irteera. Halaxe dator Udalaren egitarauan ere. Azkenean, baina, atzeratu egin dute irteera hori, eta azaroaren 6an izango da. Izena emateko eguna jakinaraziko dute Arrolako ardura-dunek.

Kultura Hamabostaldia astelehenetik

Antzuola eta Bergarako erretiratuek antolatuta, Kultura Hamabostaldia izango dugu astelehenean, hilak 17, hasi eta azaroaren 5era arte. Besteak beste, astelehenean, 18:00etan, kartela aurkeztuko dute eta martitzenean, bakegintzaren gaineko berbaldia egongo da Miguel Altuna institutuan, 19:30ean.

Baserrien gaineko hitzaldia datorren egunean, hilak 20

Datorren asteko egunean, hilak 20, Olanan etxean, 19:00etan, Antzuolako baserrien gaineko hitzaldia izango dugu. Josu Tellabide etnologoak egingo du hitzaldia. Zaharkinak proiektuan parte hartu zuen Josuk, eta ondo ezagutzen ditu gure baserriak.

PILOTA

Herri Mailako Eskuz Binakako txapelketan izena emateko epea zabaldu dute Olalde elkartekoei

A.I.

Olalde elkarteko arduradunek, urtero moduan, Herri Mailako Eskuz Binakako pilota txapelketa antolatu dute. Izena emateko epea zabalik dago.

Maila bakarrean antolatu du Olalde elkarteak Herri Mailako Eskuz Binakako pilota txapelketa: hamabost urtetik gorako jokalarientzako antolatuta dago eta pilota goxoarekin jokatuko dute, ohi bezala.

Txapelketarako izena emateko epea zabaldu dute dagoeneko; urriaren 23ra arte, domeka, egongo da izena emateko aukera. Horretarako, Olalde elkarteko kide hauekiko batengana jo behar duzue: Felix Agirre, Bittor

Arbulu, Josu Zabalo edo Balendin Zabalorengeana, hain zuzen ere. Izena ematerakoan, bikote bakoitzak 10 euro ordaindu behar du. Egunik zehazteke duten arren, Gabon jaiak aurretik bukatuko da txapelketa.



IGELTSEROTZA
Jose Luis Zabalo

Kalegoi 9, 1. solairua
ANTZUOLA.
Tel. 943 76 60 89
Faxa: 943 76 60 14

ZAHAR BERRITZEAK:
Fatxadak
Bainugela eta sukaldea
Lokal komertzialak
Teilatuak

**Eta orain....
GREMIOEN
KOORDINAZIOA**

SUKALDEKO ALTZARIAK
Harizki



Sukalderako eta bainurako altzariak
Altzari rustikoetan
espezializatuak

Zurrategi plaza 4, behe. ANTZUOLA. Tel. eta faxa 943 78 71 80